

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-414-^y7/18

Datum: 30.01.2019. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije uslovno akreditovane visokoškolske ustanove **Sveučilište Hercegovina**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

da postupi u skladu sa mišljenjem Komisije stručnjaka i donese Rješenje o akreditaciji visokoškolske ustanove **Sveučilište Hercegovina do isteka roka od četiri godine, a koji se računa od datuma izdavanja Rješenja o uslovnoj akreditaciji**

O b r a z l o ž e n j e

Agencija je na temelju prijedloga Ministarstva obrazovanja, nauke, kulture i sporta Hercegovačko-neretvanskog kantona (u daljem tekstu: Ministarstvo), broj: 10/1-38-22907-3/14 od 15.01.2015. godine Rješenjem, broj: 05-33-1-526-5/15 od dana 30.10.2015. godine imenovala Komisiju stručnjaka za akreditaciju visokoškolske ustanove Sveučilište Hercegovina. Posjeta visokoškolskoj ustanovi obavljena je u periodu od 15. do 17.12.2015. godine.

Dana 22.02.2016. godine Agenciji je dostavljen Izvještaj komisije stručnjaka o eksternoj evaluaciji visokoškolske ustanove Sveučilište Hercegovina u kojem je data analiza, ocjena i revizija kvaliteta ove ustanove, te dato mišljenje Komisije da se visokoškolska ustanova Sveučilište Hercegovina uslovno akreditira.

Agencija je 04.11.2016.godine donijela Preporuku da se postupi u skladu sa mišljenjem Komisije stručnjaka, te da Ministarstvo donese rješenje o uslovnoj akreditaciji visokoškolske ustanove Sveučilište Hercegovina sa instrukcijama o provođenju naknadnih aktivnosti, na period od dvije godine.

Ministarstvo je donijelo Rješenje o uslovnoj akreditaciji visokoškolske ustanove Sveučilište Hercegovina broj: 05-03-40-1997-11/14 od 19.12.2016.godine i isto dostavilo Agenciji radi

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

ocjene usklađenosti rješenja o akreditaciji sa minimalnim standardima iz područja visokog obrazovanja i kriterijima za akreditaciju visokoškolskih ustanova u Bosni i Hercegovini. Na osnovu prijedloga Komisije za ocjenjivanje usklađenosti Rješenja o akreditaciji visokoškolske ustanove Sveučilište Hercegovina, a u skladu sa Instrukcijom o načinu ocjenjivanja usklađenosti rješenja o akreditaciji sa minimalnim standardima iz područja visokog obrazovanja i kriterijima za akreditaciju visokoškolskih ustanova u Bosni i Hercegovini donijeto je Rješenje o upisu visokoškolske ustanove Sveučilište Hercegovina u Državni registar akreditovanih visokoškolskih ustanova broj: 05-33-1-526-19/15 od 31.01.2017.godine.

Dana 10.09.2018.godine Agencija je od Ministarstva zaprimila Akcioni plan za poboljšanje i unaprijeđenje sistema kvaliteta na Sveučilištu Hercegovina kao i Izvještaj visokoškolske ustanove Sveučilište Hercegovina o provedbi pomenutog Akcionog plana, sa ciljem organizovanja ponovne posjete Komisije stručnjaka kako bi se ocijenila ispunjenost kriterija koji su u prethodnom postupku ocijenjeni kao djelimično ispunjeni. Tri kriterija za akreditaciju su u prethodnom postupku bila ocijenjena, na temelju obezbjeđenih dokaza, kao djelimično ispunjeni i to:

- a) **Kriterij b) Upravljanje, unutrašnje osiguranje kvaliteta i kultura kvaliteta**
- b) **Kriterij e) Ljudski resursi**
- c) **Kriterij i) Međunarodna saradnja**

Agencija je nadležna za imenovanje komisije stručnjaka za akreditaciju kao i za organiziranje postupka osiguranja kvaliteta visokoškolskih ustanova i studijskih programa. Uvažavajući odredbe iz člana 19. stav 4) Pravilnika o akreditaciji visokoškolskih ustanova i studijskih programa Hercegovačko-neretvanskog kantona („Službene novine HNK“, broj: 04/12), odlučeno je da ponovnu posjetu visokoškolskoj ustanovi, obave svi članovi prethodno imenovane Komisije stručnjaka.

Postupak akreditacije visokoškolske ustanove Sveučilište Hercegovina obavljen je u skladu sa Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10), Odlukom o normama kojima se određuju minimalni standardi u području visokog obrazovanja u Bosni i Hercegovini ("Službeni glasnik BiH", broj: 100/11) (u daljem tekstu: Odluka o normama) i u skladu sa Pravilnikom o akreditaciji visokoškolskih ustanova i studijskih programa Hercegovačko-neretvanskog kantona („Službene novine HNK“, broj: 04/12), te su imenovani stručnjaci bili dužni u svome radu da primjenjuju navedene dokumente.

Nakon obavljene posjete visokoškolskoj ustanovi, imenovani stručnjaci su sačinili izvještaj sa nalazima, preporukama, i mišljenjem o ishodu akreditacije koji je usaglašen između svih članova Komisije stručnjaka. Posjeta visokoškolskoj ustanovi je realizovana 20. i 21.12.2018. godine.

Dana 22.01.2019. godine u Agenciju je od strane predsjednika Komisija stručnjaka dostavljen Izvještaj Komisije stručnjaka o akreditaciji predmetne visokoškolske ustanove.

Uvidom u dostavljeni Izvještaj, utvrđeno je sljedeće:

- Izvještaj prati strukturu propisanu Odlukom o normama;
- Izvještaj je dostavljen na jednom od službenih jezika u BiH i na engleskom jeziku, kako je propisano Odlukom o normama;

Komisija stručnjaka je ispunjenost kriterija koji su u ranijem postupku bili ocijenjeni kao djelimično ispunjeni, ocijenila kako slijedi:

www.hea.gov.ba, e-mail: info@hea.gov.ba


BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

- a) Upravljanje, unutrašnje osiguranje kvaliteta i kultura kvaliteta: znatno ispunjen;
- b) Ljudski resursi: znatno ispunjen;
- c) Međunarodna saradnja: znatno ispunjen

Visokoškolska ustanova bi trebala po prijemu rješenja o akreditaciji detaljno analizirati preporuke Komisije stručnjaka i napraviti akcioni plan u skladu sa Pravilnikom o akreditaciji visokoškolskih ustanova i studijskih programa Hercegovačko-neretvanskog kantona i Odlukom o normama. Akcioni plan bi trebao da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima;
- vremenski okvir za realizaciju preporuka, kao i potrebne finansijske i ljudske resurse i
- definisane mjerljive indikatore za praćenje realizacije Akcionog plana.

Uzimajući u obzir preporuke za unapređenje koje je dala Komisija stručnjaka, Agencija na osnovu člana 49. alineja 5) Okvirnog zakona o visokom obrazovanju u Bosni i Hercegovini daje preporuku Ministarstvu obrazovanja, nauke, kulture i sporta Hercegovačko-neretvanskog kantona da izda Rješenje o akreditaciji visokoškolske ustanove Sveučilište Hercegovina, te isto dostavi Agenciji radi postupka ocjene usklađenosti Rješenja o akreditaciji s normama i kriterijima iz člana 48. alineja 1) Okvirnog zakona o visokom obrazovanju u Bosni i Hercegovini.



Dostaviti:

- *Ministarstvo obrazovanja, nauke, kulture i sporta Hercegovačko-neretvanskog kantona*
- *Sveučilište „Hercegovina“*
- *Sektor 01, 02, 05 i 06*
- *a/a*